

ՀՐԱՏՈՒ

ԳԻՍԿՈՒՍԻԱ՝ ՆՎԻՐՎԱԾ ՀԱՅ ԺՈՂՈՎՐԴԻ ՊԱՏՄՈՒԹՅԱՆ ՊԵՐԻՈԴԻԶԱՑԻԱՅԻ ՀԱՐՑԻՆ

1951 թ. նոյեմբերի 26-ից մինչև դեկտեմբերի 21-ը տեղի ունեցան Հայկական ՍՍՌ Գիտությունների ակադեմիայի Պատմության ինստիտուտի դիտական խորհրդի մի քանի նիստեր, որտեղ քննարկվեց հայ ժողովրդի պատմության պերիոդիզացիայի հարցը՝ նիստերին մասնակցում էին պատմաբաններ, գրականագետներ, արվեստի և դիտության այլ ընդհանուր աշխատողներ, ուսուցիչներ, ուսանողներ։ Նիստերում ծավալվեց մտքերի աշխույժ փոխանակություն, որին մասնակցեցին 13 ընկերներ։

Հայկական ՍՍՌ Գիտությունների ակադեմիայի իսկական անդամ, Պատմության ինստիտուտի դիրեկտոր, պրոֆ. Ար. Հովհաննիսյանը, բաց անելով դիտական խորհրդի նիստը, ասաց. Ի. Վ. Ստալինի «Մարքսիզմը և լեզվաբանության հարցերը» հանճարեղ աշխատության լույսի տակ պետք է քննենք հայ ժողովրդի պատմության համար մեծ կարևորություն ունեցող պերիոդիզացիայի հարցը։ Այդ խնդրին ձեռնամուխ ենք լինում, որովհետև հիմա մեր ձեռքի տակ ունենք Կարմիր բլուրի և Գառնիի հնագիտական պեղումների արդյունքները, հրատարակվել են նոր բնագրեր, հայ ժողովրդի պատմության ձեռնարկը, առանձին մոնոգրաֆիաներ հայ ժողովրդի հարևան երկրների՝ Վրաստանի, Միջին Ասիայի պատմությանը վերաբերող և այլն։ Մեր ուսումնասիրության հիմքում ընկած է մարքս-լենինյան ուսմունքը հասարակության զարգացման մասին։ Այդ ուսմունքի լույսի տակ ի՞նչպես ենք կարողանում լուսաբանել հայ ժողովրդի պատմության առանձին հարցերը, այստեղ է, որ հանդիպում ենք տարակարծիքությունների։ Այդպիսի հարցերից է օրինակ՝ ստրկատիրական ֆորմացիայի, ֆեոդալիզմի գենեզիսի և նրա զարգացման էտապների հարցերը և այլն։

Հայ ժողովրդի պատմության նախակապիտալիստական շրջանին վերաբերող երկու հոդված է լույս տեսել մամուլում, մտքերի փոխանակության կարգով. դրանք են՝ ընկ. ընկ.

Ս. Երեմյանի և Ս. Հակոբյանի հոդվածները, որոնք դառնալու են մեր դիսկուսիայի քննության առարկան։

Պրոֆ. Ար. Հովհաննիսյանի բացման խոսքից հետո ձայնը տրվում է դոցենտ Ս. Երեմյանին։ Ընկ. Երեմյանն իր թեզերը ծանոթացնելուց առաջ կանգ է առնում քննության ենթակա հարցի պատմության վրա, հիշատակում այն գիտնականներին (ակադ. Հ. Մանանդյան, պրոֆ. Խ. Սամվելյան), որոնք առաջին անգամ ուշագրություն են դարձրել հայ ժողովրդի տնտեսական կյանքի պատմության վրա, ապա խոսում է վերջին տարիներում Վրաստանում, Ադրբեջանում, Միջին Ասիայում, Իրանում, Սիրիայում, Պաղեստինում կատարված պեղումների մասին, որոնք հսկայական նյութ են տալիս պատմաբաններին։ Հետաքրքիր և արժեքավոր ուսումնասիրություններ են տվել սովետական նշանավոր պատմաբաններ Ս. Տոլստոլը, Կ. Տրեվերը, Ա. Յակուբովսկին և ուրիշները։ Միջին Ասիայի ժողովուրդների հելլենիստական շրջանի պատմության վերաբերյալ Այս բոլոր նյութերն օգնում են մեզ՝ լուսաբանելու մեր ժողովրդի պատմության հնագույն շրջանը։

Ընկ. Երեմյանը մանրամասն խոսելով Արտաշեսյան շրջանի մասին, այն բնութագրում է որպես հելլենիստական շրջան, որը հատուկ էր Մերձավոր Արևելքի երկրներին և հանդիսանում էր ստրկատիրական ֆորմացիայի առանձին փուլը։ Ընկ. Երեմյանը նշում է, որ հելլենիզմի ծաղկման շրջանին հետևում է հայ ժողովրդի պայքարը Հռոմի և Իրանի դեմ՝ մեր դարաշրջանի առաջին դարերում, որը սոցեալ-տնտեսական զարգացման տեսակետից բնորոշվում է

1 С. Т. Еремян. Опыт периодизации истории Армении эпохи феодализма («Вопросы истории», 1951, № 7, էջ 52—73). Ս. Հակոբյան—«Հայ ժողովրդի ֆեոդալական շրջանի պատմության պերիոդիզացիայի հարցի շուրջը» (Հայկ. ՍՍՌ ԳԱ «Տեղեկագիր» 1951, № 8, էջ 23—46)։

իրը ու՛ հելլենիստական շրջան, երբ ստրկատիրական հասարակարգի ընդերքում ձևավորվում էին՝ ֆեոդալական հարաբերությունները Այս վիճակը տևում է մինչև Արշակունիների անկումը՝ Ընկ. Երեմյանը հաջորդ շրջանը (3—8-րդ դարերը) համարում է վաղ ֆեոդալական Այս շրջանի հիմնական էտապներն են.

1. 3—4-րդ դարեր— նախարարական հասարակության կազմավորում:

2. 5—7-րդ դարեր— նախարարական սիստեմի տնտեսական և քաղաքական իշխանության տիրապետությունը:

3. 8-րդ դար— նախարարական սիստեմի անկում (արարական տիրապետություն):

Հաջորդ շրջանը նա համարում է զանազան ֆեոդալիզմի շրջան (9—13-րդ դարերը) շորս էտապներով.

1. 9-րդ դար— ժողովրդա-ազատագրական շարժում ընդդեմ արաբների և հայ պետականության վերականգնումը:

2. 886—1045 թթ. Շիրակի Բագրատունիների քաղաքական սիստեմը:

3. 1050—1150 թթ. հայ ֆեոդալիզմի ճգնաժամը (թյուրք-սելջուկների տիրապետություն):

4. 1150—1235 թթ.— հայկական ֆեոդալիզմի վերածնունդը և հետագա զարգացումը:

Այնուհետև գալիս է ֆեոդալիզմի տևական և սիստեմատիկ կործանման ու լ'կ'իշացիայի շրջանը (13-րդ դարի 70-ական թվականներից մինչև 19-րդ դարը) իր վեց էտապներով:

Ապա ելույթ է ունենում դոցենտ Ս. Հակոբյանը: Նա նշում է, որ հայ ժողովրդի պատմության մեջ չենք կարող նկատել ստրկատիրական ֆորմացիա, շնայած ստրկություն եղել է և տևել բավական երկար ժամանակ: Քսենոֆոնի նկարագրած Հայաստանը 5-րդ դարի վերջից (ն. մ. թ.) մենք բնորոշում ենք գյուղական համայնքի տիրապետության շրջան: Այս շրջանից մինչև Արշակունիների հանդես գալը Հայաստանում պայքարի մեջ են եղել տնտեսական երեք կացութաձևեր՝ համայնական, ստրկատիրական և ֆեոդալական, որոնցից ի վերջո ֆեոդալականը հաղթանակում է Արշակունիների ժամանակ: Ֆեոդալական հասարակության տնտեսական ֆորմացիայի պատմությունը 1—13-րդ դարերում ընկ. Հակոբյանը բաժանում է հետևյալ ժամանակաշրջանների.

1-ին շրջան.— 1—7-րդ դարերում ձևավորվում և զարգանում է ֆեոդալական արտադրական եղանակը, ֆեոդալական հարաբերությունները վերելք են ապրում 3—7-րդ դարերում:

2-րդ շրջան.— 7—11-րդ դարերում շնայած

արաբները, բյուզանդացիները ասպատակեցին և լուրջ հարված հասցրին Հայաստանի տնտեսության զարգացման նորմալ ընթացքին, այնուամենայնիվ, ֆեոդալական հարաբերությունների մեջ արմատական և որակական փոփոխություն տեղի չունեցավ: Արաբները, բյուզանդացիները, սելջուկները արտադրական նոր հարաբերություններ չբերեցին, ֆեոդալիզմի զարգացումը իր հատուկ ատրիբուտներով պահպանվեց նաև օտար լծի տիրապետության շրջանում:

3-րդ շրջան.— 10—13-րդ դարերը տնտեսական կյանքի, արհեստային արտադրության, ապրանքափոխանակության, քաղաքի և քաղաքային կյանքի բուռն զարգացման և աճի ժամանակաշրջանն է: Ստեղծվում են սոցիալ-տնտեսական նախադրյալներ ֆեոդալական հարաբերությունների կապանքները փշրելու համար, սակայն մասամբ սելջուկների և հատկապես մոնղոլների արշավանքները խափանում են այս նոր հարաբերությունների զարգացումը և մեր ժողովրդի պատմությունը մի բանի դարով ետ մղում:

Պրոֆ. Ա. Արուհամյանը իր ելույթում նշում է, որ Հայաստանի սոցիալ-տնտեսական հարաբերությունների մասին խոսելիս հայ ժողովրդի պատմությունը չպիտի կտրել ընդհանուր պատմության ընթացքից, առանձնացնել արևելյան և ՍՍՌԽ ժողովուրդների պատմությունից և մեկուսացած բնեւ այն Հայ ժողովրդի և նրա հարևանների միջև չինական պարիսպներ չեն եղել: Հասարակական, տնտեսական ու քաղաքական շատ ու շատ երևույթներ, իրենց առանձնահատկություններով հանդերձ, ընդհանուր են եղել բոլորի համար: Հայաստանի արևմտյան հնադույն հարևանները հոռոմայեցիներն են եղել, որոնց մոտ իշխել է կլասիկ ստրկատիրությունը: Հայաստանի հարավային հարևանները, պարսիկները նույնպես ստրկատիրական ֆորմացիա են ապրել: Վրացագետ ընկերները Վրաստանի հին շրջանը բնութագրում են որպես ստրկատիրական հասարակություն: Այդ հարցը լուծված է նաև Միջին Ասիայի ժողովուրդների նկատմամբ: Նշանավոր արևելագետ Ս. Տոլստովը ցույց տվեց, որ ստրկատիրությունը Միջին Ասիայում սկիզբ է առել 13-րդ դարում ն. մ. թ. և շարունակվել է մինչև մեր թվականության 5—6-րդ դդ.: Այսպիսով Հայաստանում ստրկության ֆորմացիայի հարցը բնեւ չպետք է մոռանալ վերահիշյալ հանդամանքը: Սակայն, սխալ կլինի նաև հարևան

1 Մանրամասնությունները տես ընկ. Երեմյանի նույն հոդվածում:

1 Մանրամասնությունները տես ընկ. Ս. Հակոբյանի հիշյալ հոդվածում:

երկրների պատմության սխեման նույնությամբ հարմարեցնել հայ ժողովրդի պատմությանը:

Ապա պրոֆ. Արրահամյանը անդրադառնալով այն հարցին, որ բնության ենթակա շրջանի մասին հայ և ոտար պատմագրությունը շատ ժլատ տեղեկություններ են տալիս, ասում է, — Հայաստանում ստրկատիրության Դարցի պարզաբանմանը գործնական օգնություն ցույց տվին Բառնիի հնագիտական պեղումները, որոնք հիլլենիստական շրջանին վերաբերող զգալի նյութեր հայտնաբերեցին: Այդ նյութերը հնարավորություն են տալիս ավելի համարձակ առաջ բաշել ստրկատիրության խնդիրը հին Հայաստանում: Պրոֆ. Արրահամյանը անտիկ հեղինակների (Ստրաբոն, Պլուտարքոս) առանձին վկայությունների վրա հենվելով, գտնում է, որ Տիգրան Բ-ի վերցրած գերիների զգալի մասն օգտագործվել են սև աշխատանքում, դաստակերտում, ագարակում, քաղաքի շինարարության մեջ: Գերիների կապակցությամբ նա մեջ է բերում Դավիթ Ալավկա որդու դատաստանագրքից առանձին կանոններ, որոնց համաձայն գերին հանդիսանում է տիրոջ սեփականությունը, տերը նրան կարող է սպանել, գնել, վաճառել:

Արտաշեսյան շրջանում ստրկատիրական ֆորմացիան ընդունելով գերիշխող հասարակական-տնտեսական ձև, նա այդ ֆորմացիան չի տարածում Արշակունիների շրջանի վրա՝ մինչև 4-րդ դարը, հետևյալ պատճառներով՝

1. 1—4-րդ դդ. Հայաստանը ենթարկվեց օտարերկրյա նվաճողների հարձակումներին, որոնք հարվածեցին մասնատիրական ստրկական տնտեսություններին, քաղաքը, քաղաքային տնտեսությունը դադարեց խաղալ այն դերը, ինչ նրանք ունեին Արտաշեսյան շրջանում:

2. 4-րդ դարի Հայաստանը բավական մանրամասն նկարագրված է Փավստոսի և Ագաթանգեղոսի մոտ, ուր որոշակի ֆեոդալական հարաբերություններ են արտացոլված:

3. Եթե 1—3-րդ դդ. Հայաստանում ստրկատիրություն լինելու, այն դեպքում մեր մատենագիրների ստրկատիրական հարաբերությունները շեղված փաստերով կարձանագրեին:

Այսպիսով, ճախաարշակունյան շրջանը կարող ենք դիտել որպես ստրկատիրության շրջան, 2—3-րդ դարերը — անցման շրջան՝ ստրկատիրությունից ֆեոդալիզմ, իսկ հետագա շրջանը՝ վաղ ֆեոդալիզմի շրջան:

Պրոֆ. Արրահամյանը սխալ է համարում ընկերային այն կարծիքը, թե ֆեոդալիզմի վերջին էտապը ֆեոդալիզմի լիկվիդացիայի շրջանն է, իրականում լիկվիդացիա չի եղել: Ժիշտ կիներ, եթե այդ շրջանը անվանենք ֆեոդալական

հարաբերությունների ձևափոխման և ղեկավարացիայի շրջան:

Իր ելույթում դոցենտ Հ. Հաբուրյունյանը գտնում է, որ հայ ժողովրդի պատմության պերիոդիզացիայի հարցը պետք է կապել հայ ժողովրդի կազմավորման հարցի հետ: Եթե մեր ժողովրդի կազմավորման մեջ որոշիչ դերը պատկանել է արմեններին, ապա հասարակության մեջ ֆեոդալիզմի տարրը արտահայտված կլինի ուժեղ, իսկ եթե պատկանել է Հայաստանին՝ ապա ուժեղ կլինի ստրկատիրության տարրը: Նախաբուհյան շրջանի հասարակության սոցիալ-տնտեսական հարաբերությունների ուսումնասիրության համար շատ կարևոր և լուրջ տեղեկություններ է հաղորդում Քսենոֆոնը, որի համաձայն արմենները գտնվել են այն աստիճանի վրա, ինչ Տակիտոսի նկարագրած գերմանացիները, այսինքն՝ եղել է ուղիղ ղեկավարության հաջորդների ժամանակվանից տեղի ունեցավ ֆեոդալական հարաբերությունների սաղմնավորում: Այս շրջանի Հայաստանի հասարակական կարգը բնորոշվում է երկու տնտեսաձևի առկայությամբ՝ թույլ, բայց ավելի ստրկատիրականի և զարգացող ու հաղթանակող ֆեոդալականի: Ժիշտ է, Տիգրան Բ-ի ժամանակ երկրում գոյություն են ունեցել աշարակ, դաստակերտ, տաճարական տնտեսություններ, արքունի ձեռնարկություններ, ուր դործագրել են ստրուկի աշխատանքը, սակայն, երկրում այդ ձեռնարկությունները որոշիչ չեն եղել, դրանց արտադրանքը չի արտահանվել արտաքին շուկա, այլ բավարարել է տերերի պահանջը: Մենք չենք ժխտում ստրկատիրական տնտեսաձևի առկայությունը Հայաստանում, բայց գտնում ենք, որ այդ տնտեսաձևը գերիշխող չէր, ստրուկների աշխատանքը լայն չափով չէր օգտագործվում, այլ որոշոգը գյուղացու աշխատանքն էր և ֆեոդալական տնտեսաձևը, ինչպես ճիշտ նկատել են Ն. Աղոնցը և ակադ. Հ. Մանանդյանը:

Տակիտոսը մեր տարեգրության առաջին դարի առաջին բաժնից հայ հասարակությունը հիմնականում բաժանում է երկու դասակարգերի՝ մեծամեծների (նոբելներ) և հասարակ ժողովրդի (պլեբս): Վերոհիշյալ բաժանումը ավելի շուտ կապված է ֆեոդալական հասարակության, քան ստրկատիրության դասակարգերի հետ: Տիգրան Բ-ի և հաջորդների, մասնավորապես 1—50 թթ. (մ. թ.) պատերազմները տակն ու վրա էին արել Հայաստանի ինչպես քաղաքական, այնպես էլ տնտեսական կյանքը: Այդ պատճառով էլ Տրդատ Ա-ը գահ բարձրանալով, ձեռնամուխ է լինում երկրի ներքին կյանքի

կարգավորմանը, Տրդատ Ա-ի այս միջոցառումները, որոնց նպատակն էր վերականգնել նախարարական կարգն ու կանոնը, ցույց են տալիս, որ իրենից առաջ Հայաստանում գոյություն են ունեցել նախարարներ։ Ուրեմն՝ Հայաստանում վաղ ֆեոդալական հարաբերությունների սաղմնավորումն իր սկիզբն առնել է Արտաշեսյան Ապոխայում։ Այսպիսով, սկսած Տիգրան Բ-ից մինչև Տրդատ Գ-ը կազմավորվում է ֆեոդալական արտադրանական, որի արտադրական հիմնական և գլխավոր միջոցը հանդես է գալիս հողը։ Այնուհետև ընկ. Հարությունյանը զուգահեռ անցկացնելով Տիգրան Բ-ի և Կառլոս Մեծի պետությունների միջև, գրտնում է, որ գերմանացիների մոտ բարբարոսական թագավորությունը հասավ իր զարգացման բարձր աստիճանին՝ 8-րդ դարում, Ռուսաստանում՝ 10—11-րդ դարում, իսկ Հայաստանում՝ Տիգրան Բ-ի օրով։ Այսպիսով միջին դարերը Կովկասում ավելի վաղ են սկսվել, քան Եվրոպայում։ Եթե Եվրոպայի վաղ միջնադարն ընդգրկում է 4—11-րդ դդ. իր երկու էտապներով, ապա Հայաստանում վաղ միջնադարը սկսվում է 1-ին դարից (ն. մ. թ.) և տևում է մինչև 8-րդ դարը (մ. թ.)։

9-րդ դարից Հայաստանում ֆեոդալիզմը թևակոխում է միջնադարի երկրորդ շրջանը, երբ արտադրական միջոցների զարգացման պատճառով տեղի է ունենում աշխատանքի հասարակական 2-րդ բաժանումը՝ արհեստը բաժանվում է գյուղատնտեսությունից, հանդես են գալիս նոր բաղադրեր՝ Անի, Կարս, Խլաթ, Արծն և այլն։ Երկրում ստեղծվում է ներքին շուկա։ Այս շրջանը Արևելյան Հայաստանում տևում է մինչև 13-րդ դարի վերջը, իսկ Արևմտյան Հայաստանում (Կիլիկիա) մինչև 14-րդ դարի 2-րդ կեսը։ Այս շրջանի բնորոշ գիծն է ֆեոդալական բաղադրի բաժանումը գյուղից, արտադրողական ուժերի վերելքը, ներքին և արտաքին առևտրի զգալի աճը, ճորտատիրական իրավունքի խորացում, սրվում է դասակարգային պայքարը։ Ֆեոդալական հասարակակարգի ներսում ստեղծվում են նյութական պայմաններ նրա րայրաման համար։ Բայց Հայաստանի ֆեոդալիզմի այս զարգացումը չգնաց դեպի իր ուշ միջնադարը, ուր պիտի առաջանար կապիտալիստական ֆորմացիայի սաղմնավորումը, ինչպես այդ տեղի ունեցավ Եվրոպական մի շարք երկրներում, որովհետև դրան խանգարեցին մոնղոլական արշավանքները։

Պատմ. գիտ. թեկնածու Բ. Հաբուրյունյանն իր ելույթում առարկում է այն ընկերներին, որոնք ստրկատիրության դոյությունը կապում են Հայաստանում հելլենիստական հասարակության առկայության հետ և այն հասցնում են

մինչև Արշակունիների շրջանը՝ 4—5-րդ դարերը։ Նա գտնում է, որ Հայաստանում հելլենիզմը այն չափով ու թափով արտահայտություն չի գտել, ինչպես Սիրիայի և Առաջավոր Ասիայի շատ երկրներում։ Ինչպես անտիկ, այնպես էլ հելլենիստական աշխարհում բաղադրն է իշխել գյուղի վրա, իսկ Հայաստանում այդ ժամանակ հակառակն է եղել։ Բացի այդ, Հայաստանի տարբեր մասերը զարգացման տարբեր աստիճանի վրա են կանգնած եղել, օրինակ, միջնաշխարհում հելլենիզմի ազդեցությունն ավելի թույլ է արտահայտվել, քան արևմտյան և հարավ-արևմտյան Հայաստանում։ Հնդհանուր առմամբ Հայաստանի սոցիալ-տնտեսական զարգացումը չգնաց անտիկ աշխարհի ժողովուրդների՝ հույների և հռոմայեցիների զարգացման ճանապարհով։ Մարքսիզմի կլասիկները որոշակի տարբերություն են դնում Արևելքի և անտիկ աշխարհի ժողովուրդների զարգացման միջև։ Մարքսը տարբերում է ասիական, անտիկ և գերմանական համայնքների զարգացումը։ Հողն Ասիական համայնքում անհատական սեփականություն չէր, այլ ընդհանուր։ Այստեղ գյուղացին հողատեր էր, որպես համայնքի անդամ։ Ասիական համայնքում հողը և արհեստը համակցված են հանդես գալիս։ Նույնն են տեսնում Հայաստանում։ Հայաստանում գյուղական համայնքը իր դոյությունը պահպանեց մինչև Հոկտեմբերյան Մեծ ռեվոլյուցիան, մինչդեռ ստրկատիրական հասարակակարգ ապրած ժողովուրդների մոտ նա շատ վաղ է ենթարկվել բայթայման։ Ընկ. Բ. Հարությունյանը առարկում է ընկ. Երեմյանի այն կարծիքին, թե հելլենիզմի բայթայումը միայն պայմաններ ստեղծեց Հայաստանում նատուրալ տնտեսության անցնելու համար։ Նատուրալ տնտեսությունը, ասում է նա, տիրապետող կամ գերակա ուղի է եղել մինչև կապիտալիստական բոլոր ֆորմացիաներում։

Այսպիսով, Հայաստանում հելլենիզմի շրջանում ստրկատիրությունը հանդես չի եկել որպես ֆորմացիա. ստրկական աշխատանքը ժողովրդական տնտեսության հիմնական ֆակտոր չի հանդիսացել։ Ժողովրդական տնտեսությունս իր բնույթով եղել է գյուղատնտեսական և ոչ բաղադրային-առևտրական ու արհեստավորական, այն խարսխված է եղել գյուղացու աշխատանքի վրա։ Ընկ. Հարությունյանը ճիշտ չի համարում նաև այն տեսակետը, թե Հայաստանում գոյություն ունեցող ռազարակրո և ռադաստակերտք լատիֆունդիաներ են, իսկ սրանց բնակիչներն էլ ստրուկներ։

Ընկ. Բ. Հարությունյանը առարկում է նաև այն ընկերներին, որոնք գտնում են, թե 10—13-րդ դդ. Հայաստանում արտադրողական ու-

ժևրի բուռն զարգացում է եղել և իր ժամանակին գերազանցել է Արևմտյան Եվրոպայի տնտեսական զարգացմանը: Օրինակներում հիշվող Հոնենցը, Սամադինը, Դավթակ բորնպիսկոպուսը, Ումեկը դրանք վաշխառուներ և վաճառականներ են, առևտրական կապիտալի ներկայացուցիչներ և դրանց հարստությունները արդյունք չեն արտադրողական ուժերի զարգացման: Մարքսը ասել է, որ վաշխառուական կապիտալը արտադրողական ուժերի զարգացման նշան չէ, որ այն վերջիններիս թուլացնում է, հոտ մղում: Այս ժամանակ հարկերը դրամով չեն եղել, դրամը եղել է հարկերի չափանիշ միայն և սխալ է այն կարծիքը, թե եթե չլինեք սեղուկյան և մոնղոլական արշավանքների կատաստրոֆիկ հետևանքները, Հայաստանում իբր թե կսաղմնավորվեին կապիտալիստական հարաբերությունները: Ընկ. Բ. Հարությունյանը գտնում է, որ հայ ժողովրդի պատմությունը պետք է կապել ասիական (գյուղական) համայնքի զարգացման պատմության հետ:

Անցնելով հայ ժողովրդի պատմության պերիոդիզացիային, ընկ. Բ. Հարությունյանը ընդունում է հետևյալ բաժանումը.

1. Նախաֆեոդալական կամ մին. ֆեոդալական շրջան — 1-ին դարի կեսից մինչև 2-րդ դարի վերջը:

2. Վաղ ֆեոդալական շրջան (նախարարական սիստեմ) — 3—9-րդ դարերի վերջը:

3. Զարգացած ֆեոդալիզմի շրջան 10 — 13-րդ դդ. (մինչև մոնղոլները):

4. Օտար տիրապետողների ռազմաֆեոդալական շրջան — 13-րդ դարի 2-րդ կեսից մինչև 1828 թ.:

5. Ֆեոդալիզմի փայլալուստ և կապիտալիստական հարաբերությունների նախնական զարգացման շրջան 1828 թվից մինչև 1870-ական թվերը:

Դոցենտ Ս. Պողոսյանը գտնում է, որ հայ ժողովրդի պատմության պերիոդիզացիայի մասին բանավիճող ընկերներն անտես են առնում այն հարցը, թե հայ ժողովրդի ձևավորման շրջանում ինչ ֆորմացիա է եղել: Անկասկած ուրարտական հասարակությունը ստրկատիրական էր, այդ կարելի է հասցնել մինչև 6-րդ դարի վերջը (ն. մ. թ.): Բայց անկասկած է նաև այն, որ միայն ուրարտական տարրը չէր, որ կազմեց հայ ժողովուրդը: Նշանակում է մյուս տարրը, որի մեջ մտնում էին այլ ցեղեր և ցեղային միություններ, ստրկատիրական աստիճանի վրա չէին գտնվում: Սրանց մասին Քսենոֆոնի տված նկարագրությունները չեն ասում, թե 5-րդ դարի վերջերին (ն. մ. թ.) եղել է ստրկատիրական ֆորմացիա: Այսպիսով, ստացվում է այն, որ միևնույն տերիտորիայում, միևնույն ժողո-

վրդի ձևավորման ժամանակ, գոյություն ունեւերկու ֆորմացիա, որոնք մտել են բախման մեջ և բայթայել տոհմական կարգերը: Այդ բայթայման ընթացքում հասարակությունը չզնաց ստրկատիրության ֆորմացիայի ուղիով, այլ ստեղծվեց գյուղական տերիտորիալ համայնք:

Ես հայ ժողովրդի պատմության պերիոդիզացիան այսպես եմ պատկերացնում՝

1. 6—1-ին դդ. (ն. մ. թ.) ստրկատիրական ֆորմացիա:

2. 1—2-րդ դդ. անցողիկ շրջան, որի ժամանակ ֆեոդալիզմը տիրապետող չի եղել, բայց զարգացման տենդենցը տարել է դեպի ֆեոդալիզմը:

3. 2—8-րդ դդ. վաղ ֆեոդալիզմ, որն ունեցել է երկու էտապ.

ա) 2—4-րդ դդ. նախարարական՝ ֆեոդալական հասարակարգի ամբողջական ձևավորման շրջան: Այս շրջանում նախարարները տիրում են հողերին: Այս ժամանակ գյուղացին ճորտ չէր, չկային մասնատված հողատիրական ձևեր: Ֆեոդալական միավորը նախարարական կալվածքն էր, իսկ վերջինս դեռ չէր տրոհվել տոհմի անդամների միջև, տնօրինողը տանուտերն էր.

բ) 5—8-րդ դդ.: Այս շրջանում խարխվում է նախարարական հողատիրության հիմքը: Սեպուհները՝ տոհմի մյուս անդամները հող են պահանջում և ստանում իրենց բաժին կալվածքը:

4. 9-րդ դարի կեսից մինչև 13-րդ դարի առաջին կեսը՝ բուն Հայաստանում, իսկ մինչև 14-րդ դարի վերջը Կիլիկիայում զարգացած ֆեոդալիզմի շրջան է, որի բնորոշ հատկանիշներն են.

ա) Ֆեոդալական մասնատվածություն, րստեղծվում են մանր թագավորություններ, իշխանություններ.

բ) Քայքայվում է նախարարական կարգը. ֆեոդալական կալվածքը բաժանվում է ֆեոդալական մյուս անդամների միջև.

գ) Դյուզացին ճորտացվում և ամրացվում է հողին, այդ պրոցեսը սկսվում է 9-րդ դարի կեսերին և ավարտվում 12-րդ դարում:

դ) Զարգանում են ֆեոդալական քաղաքները, որոնց թիվը անցնում է մեկ տասնյակից: Քուղաքներում զարգանում է արհեստը, առևտուրը, ընդլայնվում է վաճառման շուկան, արհեստը բաժանվում է գյուղատնտեսությունից, արհեստների մեջ հանդես են գալիս մասնագիտացված ճյուղեր, նրբանում են գործիքները և այլն: Բայց այս չի նշանակում կապիտալիստական հարաբերությունների սաղմնավորում: Այս զարգացումը առաջ չբերեց ֆեոդալիզմի բայթայում, բայց ստեղծեց նախադրյալներ ֆեոդալիզմի քայքայման համար:

4. 13-րդ դարի երկրորդ կեսից մինչև 19-րդ դարի առաջին բառորդը. ֆեոդալական հարաբերությունները դառնում են պրիմիտիվ: Եթե մինչև 13-րդ դարը գյուղացիության մի մասը ճորտացված էր, ապա այդ բանը հիմա տեղի չի ունենում: Հայ ժողովուրդն ընկնում է տնտեսական և կուլտուրական ավելի ցածր մակարդակի վրա կանգնած ցեղերի տիրապետության ներքո: Այս իրադրությունը տևում է մինչև 17-րդ դարի կեսը, երբ բաղաբային կյանքը և գյուղատնտեսությունն ապրում են անկման շրջան: Այնուհետև 17-րդ դարի 2-րդ կեսից տեղի է ունենում տնտեսական կյանքի որոշ աշխուժացում. նորից սկսում են զարգանալ քաղաքները՝ Կարս, Կարին, Երզնկա, Երևան, Բաղեշ, Վան և այլն: Նորից առաջանում է քաղաքային դասը:

Այս վերջին շրջանը ընկ. Պողոսյանը բաժանում է երկու մասի.

ա) 14—17-րդ դդ. 2-րդ կեսը, որից հետո սկսվում են ազգային ազատագրական շարժումները, որոնք նոր խավերի, առևտրական կապիտալի ձգտումների արտահայտիչներն էին:

Պատմ. գիտ. թեկնածու Ն. Խաչիկյանն իր ելույթում հիմնականում կանգ առավ հալ ժողովրդի պատմության 12—14-րդ դդ. սոցիալ-տնտեսական հարաբերությունների բնորոշման հարցի վրա: Հակառակ ընկ. Բ. Հարությունյանի, նա կատարելով մի շարք համեմատություններ, գտնում է, որ հիմք չկա նվազեցնելու Հայաստանում 12—14-րդ դդ. հայ վախառուական կապիտալի դերը, կապիտալ, որը սերտ կերպով առնչվում է առևտրի և արդյունագործության հետ: Այս դրույթը հիմնավորելու համար ընկ. Խաչիկյանը Հայկական ՍՍՌ Մենիստորների Սովետին կից Ձեռագրատան (Մատենադարան) անտիպ բարոգներին հետաքրքիր տվյալներ է բերում, ըստ որի վախառուները փոխ տված դռամի դիմաց դրավ են վեցնում տուն, այգի, վարելահող, կենդանիներ՝ ձի, եղև և այլն, և սրանք օգտագործում են մինչև փոխ տված դռամի վերադարձնելը, կամ վախառուները գնում են իր արժեքից ցածր գներով տուն, այգի, կալվածք: Հետաքրքիրն այն է, որ ժամանակակիցները մեծ տարբերություն են դրել իրենց կալվածքներից զրկված ֆեոդալների ու նորելուկ դրամատեր-հողատերերի մեջ: 14-րդ դարի մի բարոգի տվյալներով հայերը ևս Ֆյորենցիայի բանկի վախառուների նման օգտագործել են մոռակը, այս երկրներ դրամական մեծ գումարի փոխանցումներ կատարելու համար: Ուստի, պետք է ենթադրել, որ 12—14-րդ դդ. հայ առևտրական տները Ֆյորենցիայի առևտրականների նման շատ խո-

շոր դեր են կատարել համաշխարհային առևտրի մեջ: Այս ավելի բան հասկանալի է դառնում, եթե նկատի ունենանք այն ժամանակվա համաշխարհային առևտրի ճանապարհները, որոնց մի մասն անցնում էր Հայաստանով. հայերը մի ճանապարհով կապվում էին Կիլիկյան նավահանգիստների հետ և ապա կապվում իտալական վաճառաչաքաղաքների հետ: Իսկ մյուսով դուրս էին գալիս Սև ծով, Տրապիզոն: Եվ պատահական չէ, որ արաբ որոշ հեղինակներ վերջինս անվանել են Հայոց ծով: Այնուհետև ընկ. Խաչիկյանը ցույց է տալիս, որ առևտրավաշխառուական կապիտալը ներթափանցում է նաև արտադրության մեջ: Նա վկայակոչում է օտարերկրյա ճանապարհորդներից Մարկո Պոլոյին, իրն Վատուտայի վկայությունները հայկական քաղաքների արտադրանքի մասին: Ապա ընկ. Ն. Խաչիկյանը, Ն. Շնորհալու, Մխիթար Գոշի տվյալներով փորձում է ցույց տալ, որ հայ արհեստավորները զրկված են եղել սեփական միջոցներով նյութ ձեռք բերելու հնարավորությունից և նյութ էին ստանում պատվիրատուից ու պատրաստի արդյունքը հանձնում նրան, իսկ սրանց նյութ մատակարարողը եղել է մեծատուն վաճառականը: Կան մատենագրական տվյալներ, որոնք ցույց են տալիս, որ այդ ժամանակ խիստ խորացված է եղել աշխատանքի բաժանումը և որևէ առարկայի արտադրության պրոցեսում մասնակցել են մասնագիտական տարբեր պատրաստություն ունեցող արհեստավորներ: Կենտրոնական արհեստանոցների գոյության մասին որոշակի փաստ չունենք, սակայն 14-րդ դարի մի բարոգում խոսվում է աշխատանքի վրա հսկող վերակացուի մասին, իսկ այս պաշտոնը ինքնին ենթադրել է տալիս, որ եղել են հաստատություններ, ուր մի հարկի տակ աշխատել են բաղմաթիվ վարձկաններ: Հետևաբար 12—14-րդ դդ. հայ վաշխառու առևտրականները Ֆյորենցիայի իրենց դասակիցների նման զրազվում էին նաև արտադրական գործունեությամբ, իրենց ձեռքն անդամ բնագործակ կալվածքներում սկսում էին մշակել այնպիսի կուլտուրաներ, որոնց պահանջն առաջադրում էր քաղաքի արհեստագործը. սրանք որպես հում նյութի և դրամի տեղ շահագործում էին քաղաքային համարությունների մեջ ընդգրկված, սակայն նյութ ձեռք բերելու հնարավորությունից զրկված արհեստավորներին ու տնայնագործներին և հավանորեն բաց էին առնում կենտրոնական արհեստանոցներ, ուր վերակացուի հսկողության տակ, շնչին վարձով աշխատեցնում էին արտադրական միջոցներից զրկված ժարձկաններին:

Եթե 12—14-րդ դդ. միջազգային կարավանային ճանապարհների հանգուցակետում

Անիում, Կարսում, Երզնկայում, Էրզրումում, Արծնում, Նախիջևանում և այլ բաղաբներում ստվերագծվում են վաղ կապիտալիստական հարաբերությունների կոնտուրները, այդ բոլորովին չի նշանակում, թե այդ հարաբերությունները սկսում են արդեն բայթայել կամ խաբսել ֆեոդալիզմի հիմքերը Հայաստանում: Ընդհակառակը, Հայաստանը իր ամբողջությամբ դեռևս տիպիկ ֆեոդալական երկիր էր, սակայն շրջաններ կալին (Սյունիք և այլն), ուր դեռևս բաղաբներ չէին առաջացել, ուր վաշխառուական կապիտալը իր անդրջրհեղեղյա ձևերի մեջ էր գտնվում: Բսկ մոնղոլական հորդանների բարբարոսական տիրապետության ընթացքում Հայաստանի տնտեսությանը հասցվեց այնպիսի ծանր հարված, որ ոչ միայն մեկը մյուսի հետևից բայթայվեցին հայկական բաղաբները, կասեցվեց արտադրողական ուժերի հետագա զարգացման հնարավորությունը, այլև Հայաստանը ապրեց տևական դեգրադացիայի մի եկարատև շրջան:

Ընկ. Խաչիկյանը անցնելով Հայաստանում ստրկատիրական ֆորմացիայի գոյության հարցին, գտնում է, որ ընկ. Ս. Երեմյանի տեսակետը ճիշտ է և այն ավելի հիմնավորելու համար ավելացնում է այլ փաստեր:

1. Հայ և օտար հեղինակները վկայում են, որ 5-րդ դարից առաջ ստրուկը մեծ դեր է կատարել տնտեսության մեջ: Գերիներին որպես ստրուկի օգտագործել են կալվածքներում, զարակներում. Ա. Շիրակացու 21-րդ խնդիրը նման երևույթի արտացոլումն է:

2. Գանգրայի ժողովների կանոններում և Մ. Խորենացու մոտ հիշվում է, որ 5-րդ դարից առաջ ծառաները փախչում էին իրենց տերերից: Այս երևույթը մեծ չափերի պիտի հասած լիներ, որպիսով տեղ դտներ եկեղեցական կանոններում:

3. Հայաստանի հարևան ժողովուրդներն անցել են ստրկատիրական ֆորմացիան: Ի. Նյուսացու, Բ. Կեսարացու երկերում կան բազմաթիվ տվյալներ, որոնք կասկած չեն թողնում այն մասին, որ Փոքր Հայքում, հիմնական արտադրողը ստրուկն է եղել: Եթե այսպես էր Փոքր Հայքում, ինչու պետք է Մեծ Հայքում ֆեոդալիզմ լիներ 4-րդ դարում:

4. Այն հանգամանքը, որ «Կանոնգրքի» և այլ աղբյուրների մեջ ծառաներ, ստրուկներ չեն հիշատակված որպես Հայաստանի հիմնական արտադրողներ, արդյունք է այն բանի, որ միջնադարյան հեղինակները ստրուկներին հասարակության անդամ չին համարել:

Ապա ընկ. Խաչիկյանը եզրափակում է, որ ընկ. Երեմյանը, ինչպես և դասագրքի հեղինակները, ճիշտ են վարվել, երբ Արշակունյաց

Հայաստանի հասարակական ֆորմացիան համարել են ստրկատիրական: Նրա վերնաշենքում առաջ եկած նոր փոփոխությունները՝ բրիստոնությունից տարածումը, հայ գրերի գյուտը, գրական վերելքը կապում է ֆեոդալիզմի հաղթանակի ու ստրկատիրական արտադրաձևի պարտություն հետ:

Ընկ. Խաչիկյանը գտնում է, որ ընկ. Ս. Երեմյանի հայ ժողովրդի պատմության պերիոդիզացիայի հիմնական թերությունն այն է, որ նա անտեսել է դասակարգային հասարակության մեջ մի տնտեսաձևից մյուսին անցնելու ուղուցից միջոցը: Հրացնելով ու զարգացնելով մարքսիզմը, ընկեր Ստալինը բնորոշեց ստրուկների ուղուցիցի հասկացողությունը, որպես ստրկատիրական կարգերի կործանման և ֆեոդալական կարգերի հաստատման հիմնական գործոն: Այս առումով պետք է լուրջ ուշադրություն դարձնել 4-րդ դարի ստրուկների այն ապստամբությունների վրա, որոնք նշանակություն ունեցան ստրկատիրական կարգերի կործանման գործում: Հենց այդպիսի դեպքեր է համարում ընկ. Խաչիկյանը 4-րդ դարի սոցիալական շարժումները Փ. Հայքում, Արշակունյանի դեպքերը, աղանդավորական բողոք ծածկած մյուս շարժումները և այլն, որոնք երկարատև ուղուցիցի պայթյալի միջոցով վերջնական փլուզման հասցրին ստրկատիրական կարգերը Հայաստանում 4-րդ դարի ընթացքում և ֆեոդալական հասարակության սոցիալ-տնտեսական հարաբերությունների հաղթանակն ապահովեցին:

Պատմ. գիտ. թեկնածու Բ. Առաքելյանն իր ելույթում նշում է, որ կարևոր հարց է ոչ միայն ստրկատիրական ֆորմացիայի և ֆեոդալական հասարակության ջրաժան սահմանները նշելը, այլև նույնքան կարևոր է ֆեոդալական հասարակության առանձին շրջանների ստորաբաժանման սահմանների և նրանց բնութագրի ճշտումը: Սխալ են այն ընկերները, ասաց նա, որոնք կարծում են, թե բաղաբական կյանքը տնտեսությունը զարգացած չի եղել: Հայաստանում, թե Արևելքը իր հասարակական անտեսական զարգացմամբ 10—13-րդ դդ. չի կանխել Եվրոպային: Արևմուտքում հասարակական տնտեսական հարաբերությունները համեմատաբար ուշ սկսվելով զարգացան ավելի ինտենսիվ և ունեցան նորմալ ընթացք. իսկ Արևելքում այդ չեղավ՝ սելյուկների մասնակի և սրանց հաջորդող մոնղոլների ավերիչ արշավանքների հետևանքով: Եվ եթե Արևելքի հասարակության նորմալ զարգացումը չխախտվեր, ապա զարգացումը կգնար այն ուղղությամբ, ինչ գնաց Արևմուտքում:

Ընկ. Բ. Առաքելյանը իր ելույթը հիմնակա-

նում նվիրում է Հայաստանի ստրկատիրական ֆորմացիայի գոյության հարցին: Նա ասում է. — այն ընկերները, որոնք առաջին դարը (ն. մ. թ.) ընդունում են ֆեոդալական հարաբերությունների սաղմնավորման կամ անցման շրջան, փաստեր չբերեցին և չէին էլ կարող բերել: Ես ես այդ հարցում պաշտպանում եմ ընկ. ընկ. Ս. Երեմյանի, Ա. Աբրահամյանի, Լ. Խաչիկյանի տեսակետները: Այս տեսակետի համար չնայած մասնագիտական փաստերը սակավ են, բայց մեզ օգնում է հնագիտությունը: Կարմիր բլուրի պեղումները ցույց տվեցին, որ ուրարտական պետության հին արևելյան ռազմա-ստրկատիրական տիպի լինելը չի սահմանափակվել կենտրոնով (Բիայնայով), նրա ծայրամասերից մեկը Արարատյան դաշտը (Թեյշեբաին քաղաքը) ևս եղել է ստրկատիրության տիպիկ կենտրոն: Կարմիր բլուրում պեղվել է ոչ միայն միջնաբերդը, այլև քաղաքի երկու թաղամասը: Այս թաղամասի տները միանման են և միաշափ: Այդ տների ուսումնասիրությունը ցույց է տալիս, որ բնակիչները չեն ունեցել սեփական տնտեսություն, այլ ապրել են պետության հաշվին, կնշանակի նրանք եղել են ստրուկներ: Իհարկե, ուրարտական պետության բոլոր ծայրամասերն այսպես չեն եղել, դրանց մեջ եղել են այնպիսիները (Սեվան), որտեղ կային գեղային միություններ և նախնադարյան համայնական հասարակությունը սկսել էր քայքայվել: Ստրուկները ուրարտական հասարակության մեջ գերազանցապես զբաղվել են գյուղատնտեսության մեջ և մասամբ արհեստներով: Եվ երբ ուրարտական պետությունը քայքայվեց, ստրուկներն էլ, որոնց կերակրում էր պետությունը, ցրվեցին հավանաբար համայնքների մեջ, իսկ այդ ժամանակ տերիտորիալ համայնքը Հայաստանում ձևակերպված էր արդեն և նպաստում էր այդ բանին: Այսպիսով, ուրարտական պետության քայքայման հետևանքով, կարճ ժամանակում ստրկությունը մղվեց իր նախնական աստիճանի վրա, տեղի ունեցավ ստրուկների թվի նվազում և գյուղական համայնքի ուժեղացում:

Ընկ. Բ. Առաքելյանը գտնում է, որ Քսենոֆոնի նկարագրած գյուղերը պատկանել են Հայաստանի հետամյաց շրջաններին և եթե նա անցներ Արարատյան դաշտով, այլ բան կդրեր: Դրա համար էլ Քսենոֆոնի նկարագրության մեջ ստրուկների չենք հանդիպում:

4—1-ին դդ. (ն. մ. թ.) և մի փոքր հետո էլ Հայաստանն ընդգրկված է եղել հելլենիստական սֆերայում: Այդ բանը ցույց տալու համար ընկ. Բ. Առաքելյանը բաղմաթիվ փաստեր է բերում, հենվելով մասնավորապես Գառնիի պեղումների արդյունքների վրա: Հայտնաբերված իրերը (դանազան մեծության ապակյա սրվակ-

ներ, անոթներ) պատրաստված են այնպիսի նրբությամբ, ճաշակով, որ ոչ մասնագետները առաջին հայացքից կարող են դասել անտիկ աշխարհի՝ Հունաստանի, Հռոմի կուլտուրայի շարքին, մինչդեռ մեր միության լավագույն մասնագետները որոշակի ասել են, որ դրանք նյութի կազմությամբ, ձևով և մշակման տեխնիկայով տեղական արտադրանք են: Դառնիում պեղված 50 գերեզմաններում գտնվել են բացի սրվակներից և անոթներից, նաև դրամներ (ուռաջին դար ն. մ. թ.), գինդեր, օդեր, մատանիներ՝ ոսկուց, արծաթից, բրոնզից դեմաներ: Գեմաների վրա քանդակված են վազող մարդ և հելլենիստական շրջանը բնորոշող այլ նկարներ: Այս գերեզմանները ոչ հարուստ մարդկանց յգերեզմաններ են: Գառնիի պեղումները ցույց են տալիս, որ Հայաստանում զարգացած են եղել բաղմաթիվ արհեստներ, եղել է բարձր կուլտուրա և հելլենիստական կուլտուրան թափանցել է քաղաքային բնակչության կենցաղի մեջ: Այս բոլորից հետո սխալ կլինի պնդել, թե Հայաստանում 4—1-ին դարը (ն. մ. թ.) անցման շրջան է եղել, ընդհակառակը, տնտեսությունը, կուլտուրան բարձր աստիճանի վրա են գտնվել: Ըսկ այդ բանը մեզ իրավունք է տալիս ասելու, որ ստրկատիրական ֆորմացիայի համար Հայաստանում տնտեսական հիմք կար: Ապա նա նշում է, որ հելլենիստական հասարակությունը ստրկատիրական հասարակության մի էտապն է, ավելի զարգացած, բան հին Արևելյան ստրկությունը, բան հունական և հռոմեական վաղ շրջանի ստրկությունը: Հայաստանի հելլենիստական հասարակության բնորոշ գիծն այն է, որ այստեղ, տերիտորիալ (գյուղական) համայնքն ուժեղ էր, կենսունակ. այդ պատճառով էլ քաղաք պետություններ չառաջացան, ըսդհակառակը, առաջ եկան հելլենիստական պետություններ, որտեղ առևտուրը, արհեստը ավելի զարգացած էր հին արևելյան տիպի ստրկատիրության հետ համեմատած: Հելլենիստական գյուղական համայնքի պայմաններում հող է նախապատրաստվում ֆեոդալիզմին անցնելու համար: Հին արևելյան տիպի ստրկությունը եղել է պետական սեփականություն (մասամբ տնային), իսկ հելլենիստական ստրկությունը հանգեց այն բանին, որ պետական ստրկության կողքին մեծ ծավալ ստացավ մասնավոր ստրկությունը: Ստրկատիրական ֆորմացիայի գոյությունը հաստատվում է նաև այն փաստով, որ Հայաստանում 2-րդ դ. (ն. մ. թ.) մինչև մեր թվականության 2-րդ դարը, գոյություն են ունեցել 10-ից ավելի խոշոր քաղաքներ, որոնք ավելի տնտեսական, բան տրանզիտ առևտրի կենտրոններ էին: Բնորոշ է որ ստրկա-

տիրական հասարակության կործանման հետ (4-րդ դ. մ. թ.) այդ բաղադրներն էլ մեծ մասամբ անհետացան, իսկ վաղ ֆեոդալիզմի ժամանակաշրջանում, որպես աչքի ընկնող տնտեսական կենտրոն, առաջ եկավ միայն Դվինը:

Ընկ. Բ. Առաքելյանի կարծիքով ադարականությունն ստեղծել են ստրուկներին և դարձրել կոլոնի Եթե այդպիսին է եղել 3—4-րդ դ. (մ. թ.), ապա դրանից առաջ ադարականները եղած պետք է լինեն ստրկատիրական լատիֆունդիալ տնտեսություններ: Ստրկատիրությունը Հայաստանում տևել է մինչև 3-րդ դարը (մ. թ.), որպես փաստ նա հիշեցնում է ստրկատիրական ընդհանուր ճգնաժամը անտիկ և հելլենիստական աշխարհում, որը եղել է 3-րդ դարում (մ. թ.): Հայաստանում այդ շրջանում տեղի են ունեցել սոցիալական ցնցումներ, օրինակ, ծառաների փախուստ, ինչպես այդ երևում է Գանդրայի և Աշտիշատի ժողովի կանոններից, Արշակավանի անցքերը և այլն, որոնք ավելի շուտ կապված են ստրուկների և հողին ամրացված կոլոնների հետ: Իսկ 3—4-րդ դարը (մ. թ.) նա համարում է բեկման շրջան, որի ընթացքում Հայաստանում հաղթող են հանդիսանում ֆեոդալական արտադրական հարաբերությունները:

Ընկ. Ս. Շլեյֆմանն իր ելույթի սկզբում բերնադատում է ընկ. Բ. Առաքելյանի այն կարծիքը, թե ստրկատիրությունը Ուրարտուից հետո ետ մղվեց դեպի պատրիարխալ ստրկություն: Ընդհակառակը, ասում է նա, Ուրարտուի անկումով ռազմաստրկատիրական ստրկությունը ոչ թե անկում ապրեց, այլ զարգացավ: Էնգելսը խոսելով գերմանական մարկի մասին, ասում է, որ այն չհասավ Անտիկ և ոչ էլ Արևելյան տնային ստրկությանը: Նշանակում է էնգելսը տարբերում է Արևելյան տիպի ստրկատիրությունը Անտիկ աշխարհի ստրկատիրությունից, իսկ Հայաստանը դուրս չէր Արևելքի ոլորտից: Արեմենյան շրջանում ավարտվում է տոհմական (արյունակցական) համայնքի բայթայումը և հասարակության զարգացումը մեզ մոտ գնում է դեպի Արևելյան տիպի ստրկություն, և ոչ թե հոմեական և հելլենիստական զարգացած ստրկություն: Հելլենիզմի խոշոր մասնագետ Ռանովիչը գտնում է, որ հելլենիզմը կործանեց հունական պոլիսները և սկիզբ դրեց Արևելքի գյուղացիական համայնքների բայթայումը, բայց այն չկարողացավ ավարտել: Իսկ այս նշանակում է, որ հելլենիզմի ժամանակ ստրկատիրական հարաբերությունները Արևելքում չէին կարողանում զարգանալ, ինչպես Հռոմում և Հունաստանում: Գյուղական համայնքը Հայաստանում ուժեղ էր և հելլենիզմի ժամանակ չբայթայվեց: Այնուհետև ընկ. Շլեյֆմանը կանգ է առնում հելլենիզմի ընդգրկած ժամանակա-

շրջանի վրա և նշում, որ մեր ընկերները սխալ կերպով հելլենիզմը հասցնում են մինչև 3-րդ դարը (մ. թ.), ոմանք էլ նույնիսկ 5-րդ դարը: Մինչդեռ համաշխարհային պատմության մեռնդունված է այն հասցնել մինչև 1-ին դարը (մ. թ.): Եթե ընդունեք, որ 4-րդ դարում (մ. թ.) Հայաստանում ֆեոդալական հարաբերությունների ձևավորում է եղել, ապա պետք է ընդունել, որ այդ բանը մեկ անգամից չկատարվեց, ուրեմն այդ նոր երևույթի սաղմերը ե՞րբ առաջ եկան: Պատասխանը կլինի 2—3 դարերից շուտ: Հենց այս հարցին է վերաբերում քրիստոնեության պետական կրոն դառնալը Հայաստանում: Ինչպես հայտնի է, քրիստոնեությունը ֆեոդալական հասարակության իդեոլոգիան է: Հայաստանում այն պաշտոնական կրոն ընդունվեց 4-րդ դարի սկզբին (ոմանք էլ այդ դեռում են 3-րդ դարի վերջերին): Քրիստոնեությունը, որ ծագել էր առաջին դարում (մ. թ.), ուղեկցում է ֆեոդալական հարաբերություններին, որի կրողը եղել է գյուղացիական համայնքը: Արտաշեսյանների կործանումը, Արշակունիների հաստատումը և քրիստոնեության մուտքն ասում են, որ հայ ժողովրդի սոցիալ-տնտեսական կյանքում եղել են մեծ տեղաշարժեր: Նկատի ունենալով այդ հանգամանքը ընկ. Ս. Շլեյֆմանը գտնում է, որ Հայաստանում մինչև 1-ին դարի կեսը՝ Արշակունիների հանդես գալը, պետք է ընդունել Արևելյան տիպի ստրկություն, որի ճգնաժամն սկսվել էր Տիգրան Բ-ի մահից հետո: Առաջին գարում (մ. թ.) առաջանում են ֆեոդալական հարաբերությունները. այդտեղից էլ մինչև 9-րդ դարի սկիզբը կարելի է համարել վաղ ֆեոդալիզմ: Իսկ 9—11-րդ դարերը զարգացած ֆեոդալիզմ, որը տանելու էր ֆեոդալական հասարակակարգի բայթայումը, բայց խանդավեց մոնղոլների և հաջորդ ավերիչ արշավանքների պատճառով:

Ընկ. Ա. Հովհաննիսյանն իր ելույթը հիմնականում նվիրում է զարգացած ֆեոդալիզմի բնութագրմանը: Նա գտնում է, որ 12—13-րդ դդ. Հայաստանում ստեղծվեցին սոսկ նախապայմաններ կապիտալիստական արտադրաձևի առաջացման համար, սակայն ոչ ինքնին նոր կացութաձև: Ընկ. Ա. Հովհաննիսյանը անդրադառնալով ընկ. Լ. Խաչիկյանի ելույթի մեջ բերված փաստերի առաջին խմբին, նշում է, որ այդ խումբը ընդգրկում է միջնադարյան Հայաստանի ոչ թե արտադրական, այլ փոխանակային հերթերությունների ոլորտը: Իսկ այդ փաստերը ցույց են տալիս, որ թե արտադրական ինչպիսի հարաբերություններ էին իշխում Հայաստանում, այլ միայն այն, թե ինչ էին արտադրում կամ ինչ եղանակով մտնում առևտրական շրջանառության մեջ: Վաճառում

էին Հայաստանի առևտրականները արհեստավորների պատրաստած ապրանքը, թե՛ իրենց տված արտադրամիջոցների օգնությամբ նրանց արտադրած ապրանքը: Ու՛մ միջոցով էր տեղի ունենում արտագրությունը, բանվորների՝, թե՛ արտադրության միջոցների սեփականատեր արհեստավորների: Այս հարցն է, որ չի պարզվում ընկ. Խաչիկյանի բերած տվյալներով: Սելջուկների ասպատակությունները մեծ վնաս հասցրին հայկական քաղաքներին, սակայն նրանց զարգացման ուղղությունը չփոխվեց: Փոխվում էր իշխողների էթնիկական կազմը, սակայն ոչ քաղաքների դերը: Այս շրջանի քաղաքակառուցությունը (բուրգերությունը) չէր տեղծում տակավին բուրժուական կացութաձև, որովհետև քաղաքային արհեստագործությունն իր տեղը չէր գիշել տակավին մանուֆակտուրային կամ գեթ կապիտալիստական տնային արդյունաբերությանը, քաղաքների հարստության գլխավոր աղբյուրը կազմում էին գյուղացիության շահագործումը և միջազգային առևտուրը: Այնուհետև ընկ. Աշ. Հովհաննիսյանը փորձում է պարզել այս դարերի անմիջական արտադրողի վիճակը, այդ բանի համար նա մատենագրական աղբյուրներից և քարոզներից բազմաթիվ փաստեր է բերում և ցույց տալիս, որ քաղաքային արհեստանոցներում բանեցվում էին ստրկագրված և ճորտագրված արհեստավորներ, սակայն այս գործատիները չէին կրում կապիտալիստական տնային տնտեսությունների կամ մանուֆակտուրային ձեռնարկությունների բնույթ: 13-րդ դարի մի քարոզգրքում հեղինակը թվում է հարստություն կուտակելու աղբյուրները: Նա խոսելով աշխատող ժողովրդի կեղեքման մասին, չի մատնանշում արդյունագործ բանվորներին, այլ սոսկ վարուցանքով զբաղվող մշակների: Միաժամանակ, հատկանշական է այն, որ հարստություն կուտակելու աղբյուրներ թվելիս այստեղ գերիշխում է զբրկանրների առևտրավաշխառուական և ֆեոդալական բնույթը: Այսպիսով, հիմք չունենք պնդելու, թե 12—13-րդ դդ. Հայաստանում տեղի ունեցած կապիտալիստական կացութաձևի սաղմնավորում: 13-րդ դարից ի վեր հայ առևտրականներից շատերը կրում էին «պարոն» տիտղոսը: Հիշենք Հոնենցին, Սամադինին, Ումեկին և այլն, սրանք ոչ թե հնատիպ վաշխառուներ

էին, կամ նոր բուրժուական հարաբերությունների արտահայտիչներ, այլ փողատեր «պարոնացած» ֆեոդալներ էին: Սրանք ֆեոդալական նոր հարաբերություններին համապատասխանող նորատիպ ֆեոդալներ էին, որոնք հայկական քաղաքների ավագներ կամ փարթամ առևտրականներ չէին սոսկ, այլ կալվածատիրական և փողատիրական շահերով միազուգման ճանապարհով նրանց միջից բարձրացած և նրանց վրա իշխող ֆեոդալական զագաթներ: Ուստի Հայաստանում զարգացող ֆեոդալիզմի ընդերքում առևտրական կամ վաշխառուական կապիտալի առկայություն ենք նշմարում այնտեղ, ուր շատերը տեսնում են վաղ կապիտալիզմի կամ «վաղ վերածնության» կոնտուրներ և հաճախ տեսնում ենք ֆեոդալ ճորտատերեր ու ստրկատերեր այնտեղ, ուր ոմանք նշմարում են սոսկ վաշխառուներ ու առևտրական կապիտալիստներ:

Դիսկուսիայում հանդես եկան նաև ընկ. ընկ. Ա. Կարինյանը, Հ. Ստեփանյանը, Խ. Վեմյանը:

Դիսկուսիայի վերջում վիճաբանություններն ամփոփեց պրոֆ. Ար. Հովհաննիսյանը: Դիսկուսիան, ասաց նա, նպաստեց մի շարք կարևոր պրոբլեմների նկատմամբ միասնական կարծիք մշակելուն: Դիսկուսիային մասնակցող ընկերներն ու մեծ մասը համամիտ են Հայաստանում ստրկատիրական ֆորմացիայի գոյության տեսակետին, բայց կան տարակարծիքություններ այդ ֆորմացիայի ժամանակագրական շրջանների վերաբերյալ: Այնուհետև նա նշեց, որ 10—13-րդ դարերի սոցիալ-տնտեսական հարաբերությունների բնութագրման հարցը դեռևս բավարար չափով չի ուսումնասիրված և իր լուծումը կարող է ստանալ նոր նյութերի ուսումնասիրումից հետո: Նա անհրաժեշտ համարեց այդ հարցերի մասին շարունակել գրավոր դիսկուսիան, ինչպես նաև հրավիրել Ինստիտուտի համապատասխան սեկտորների ընդլայնված նիստեր և բնություն ենթարկել առանձին հարցեր:

Վերջում նա հայտնեց, որ մոտ ապագայում Պատմության ինստիտուտի դիրեկցիան կազմակերպելու է դիսկուսիա՝ նվիրված հայ ժողովրդի պատմության նոր և նորագույն շրջանի պերիոդիզացիայի հարցերին:

Վ. ՀԱԿՈՐՅԱՆ

